

2. FMI Sista: 100 yia selebresen

Long pinis bilong dispela mun Otaba long namba 27 de, em 100 yia selebresen bilong tingim de Bishop Louis Coupe, MSC, i statim kivung bilong ol FMI sista bai i stat. Dispela 100 yia selebresen bai i givim yumi taim tu long tok tenkyu long God long planti blessing na grasia em i kapsaitim pinis long Archdaiosis bilong Rabaul na tu long Katolik Sios long PNG, long wok apostolate bilong ol FMI sista, long dispela 100 yia. Dia ol sista: “Dispela i no olsem wanpela gutpela histori tasol bilong tingim na tok tok long en tasol em i bikpela histori we yupela i mas pinisim gut tru! Lukluk i go pas, long wonem hap Spirit bilong Bikpela i wok long salim yupela long go bai yupela i ken mekim kamap sampela moa bikpela samting” (*Vita Consecrata, 110*).



CATHOLIC ARCHDIOCESE
OF RABAUL

P.O. Box 357
KOKOPO, BNPB 613

Tel. 9829834

PASTORAL LETA 1

7th October 2011 — Pestode Bilong Holi Rosari

“Yumi preim Misa”

Dia ol brata na ol susa

A. Hap tok i go pas

Mi raitim dispela namba wan pastoral leta long pestode bilong Holi Rosari, em i pestode i dia tumas long mi, bikos long dispela de, 80 pela yia i go pinis, famili bilong mi i bin kamap. Papa na mama bilong mi i laik bai tupela i kisim sakramen bilong marit long dispela pestode bilong Holi Rosari. Long taim bilong selebresen papa bilong mi i bin askim long tupela grasia: bai God i ken givim em planti pikinini na long larim em i stap rabis. Ating planti manmeri bai i pilim hat long klia gut long wonem mining bilong dispela kain pre, tasol long dispela de yet em i givim famili bilong em igo long Santu Hat bilong Jisas na Santu Maria.

Long dispela de tu, papamama bilong mi i mekim wanpela bikpela promis: bai ol i save preim rosari olgeta de. Mi yet mi save na mi inap tok olsem ol i bihainim tru dispela promis bilong tupela.

Bilong wonem na mi wok long raitim ol dispela kain samting we i mas i stap olsem samting bilong mi wanpela tasol. Mi no raitim bilong apim nem bilong papamama bilong mi, tasol long tenkim God long grasia bilong “famili laip” em i bin givim mi. Mi stap hia olsem Archbishop bilong yupela, bikos God i bin blesim mi wantiam gutpela papamama na i helpim mi long gro insait long gutpela kain ples bilong pre, we i lukim namba wan samting tru em ino moni, tasol long laikim God na laikim ol narapela. Em i bikos long papamama bilong mi tasol na mi lainim long laikim tru Misa, na pre long Santu Hat bilong Jisas, na long pre long Santu Mama na long pre long ol Santu.

Olsem yupela olgeta i save, insait long Archdaiosis, yumi i wok long selebretim Jubili Yia bilong Bl. Pita ToRot. Astingting bilong dispela selebresen em long kamapim reniual insait long famili laip, sapos yumi bihainim gut ol gutpela skul insait long Gutnius na long laikim na inapim tru sakaramen bilong marit.

Olsem mi bin tok long en pinis, insait long famili bilong mi, mi lainim long laikim tru Santu Yukaris, na moa yet long en long taim bilong Sande Misa. Em i bikpela laik bilong mi sapos dispela i ken kamap gut tru long ol famili bilong yumi, na long ol pikinini bilong ol na long ol yangpela manmeri.

B. Nupela buk misa bilong Roman Rite

Em i bikos long dispela tasol na insait long dispela pastoral leta mi rait long dispela bikpela topic, Santu Misa. Dispela taim nau olgeta manmeri i mas save pinis olsem, long namba wan Sande bilong Advent, nupela buk misa bilong Roman Rite em bai yumi stat long bihainim long dispela taim.

Ol peris pris i stat pinis long givim sampela skul long ol senis bai i kamap long dispela buk misa igo long ol Katolik bilip manmeri. Sampela material bilong liturgi i go pinis long yupela, olsem na mi askim ol pater bilong yumi, ol religis man na meri ol katiket, ol tisa long ol skuls, ol papamama long ples, na olgeta sios lida bai yupela i noken abrusim ol gutpela skul sapos i kamap bilong kisim gutpela save tru long Santu Yukaris na long skulim gut olgeta narapela long mining tru bilong Santu Yukaris. Em bai i gutpela tru sapos olgeta pipel i gat gutpela save na tingting long mining tru bilong Santu Yukaris na dispela bai i mekim ol i go oltaim na laikim tru ol Misa bilong Sande.

Long kamapim gutpela save long yupela olgeta mi laik tokim yupela long sampe-la ol dokumen i toktok long Santu Yukaris we i ken helpim yupela long kisim

Na i no dispela tasol, tasol i gat planti pipel tu husat ol i bin kisim pinis Gutnius, planti i lusim na ol i no pas wantaim Sios... ol i stap nating tasol olsem tru i no gat God na ol i bihainim narapela kain laip long painim amamas bilong graun, painim isi moni, painim gutpela wok. Na dispela i kamap nambawan samting long laip bilong ol na ol i no wari sapos i no bihainim gutpela pasin o nogat.

Wok bilong yumi olgeta

Dispela wok Misin i bilong yumi olgeta. Gutnius ino bilong ol lain tasol i harim na kisim, em i olsem wanpela presen yumi mas serim na bai i kamap olsem Gutnius bilong ol narapela tu. Wok Misin bilong Sios i no gat arere bilong en na i no olsem sampela kain pastoral samting tasol: wok Misin bilong Sios i wok long go het yet long dispela taim. Ol baptais manmeri na ol Sios Komuniti i mas go hetim dispela wok misin bai i kamap olsem hap bilong Kristen laip bilong ol.

Autim Gutnius long olgeta hap bilong graun (Global).

Wok bilong autim Gutnius i hat tru na i mas go wantaim planti ol samting i pas wantaim dispela wok.kivung bilong Pontifical Misin i stap olsem maus man long helpim long autim Gutnius long ol narapela hap. Em i save sapotim ol institution tu husat i save helpim long strongim na sapotim Sios olsem long mekim wok katiket, ol seminari, ol pater na tu long givim helpim long kamapim gutpela sindaun long ol kantri we poveti,malnutrisen, ol narapela kain sik, helt sevis na education i stap olsem bikpela hevi long ol. Em tu i hap bilong misin bilong Sios ... Em i no orait taim yumi pasim maus long toktok long kirapim gutpela luksave long man, toktok long jastis na long toktok long gutpela bilong kainkain hevi i laik daunim ol long taim yumi mekim wok bilong autim Gutnius. Sapos yumi no laik opim maus long ol dispela i olsem tasol yumi no laik bihainim skul bilong Gutnius long laikim narapela husat i safa na i gat nid tru’ (*Evangelii Nuntiandi, 31.34*). Bai wol misin de i ken kirapim bek wanwan manmeri bai ol i amamas long go long bringim Kraus long olgeta manmeri. Long nem bilong em mi givim apostolic blessing bilong mi na i ken pundaun antap tu long ol lain i stap safa na i painim hevi bikos long wok bilong autim Gutnius” (Benedict XVI).

Dia ol brata susa yumi ken wokim dispela wok nau long pasin bilong pre na sapotim sios long liklik moni samting bilong go het long mekim wok misin bilong Sois. Mi laik strongim gen olgeta Katolik bilipmanmeri long Archdaiosis long Rabaul long sapotim gut wok bilong Sios olsem tasol Sios i save sapotim gut yumi.

gut, na bai long dispela yia, yumi dedicatim long Bl. Pita ToRot, bai i gat riniuel i kamap long famili laip.

+ Francesco Panfilo, SDB

F. Ol Tok Save.

1. Mission Sunde

Long namba 23 de bilong mun Octoba bai yumi selebretim Misin Sande. Mi laik tok save gen long olgeta Katolik bilipmanmeri long mekim gut wok misin bilong yumi insait long Sios.

Papa Santu, Benedik XVI long wanpela pepa em i raitim ol i kolim olsem “*Olsem tasol papa i salim mi, mi tu mi salim yupela*” (Jn 20:21), long dispela pepa em i rait olsem, “Nambawan sevis Sios inap givim long olgeta wanwan manmeri husat i wok long painim gutpela rot long bihainim long laip bilong olsem long autim Gutnius long ol wankain olsem ol nambawan Kristen i mekim bipo. Dispela wankain singaut i save kamap taim yumi selebretim wol Misin de. Dispela pasin bilong autim Gutnius i soim stret ples klia apostolic spirit bilong Sios. Bilip i save kamap strong sapos yumi soim na serim long ol narapela!

Go na autim Gutnius

Taim yumi selebretim dispela literji yumi save kirapim bek oltaim dispel wok-bilong autim Gutnius. Na i mekim yumi i tingim bek gen toktok bilong Jisas bihain long em i kirap long dai na i tokim ol aposel long ‘go autim gutnius...’ (*Mt 28:19*). Ol lain i pas tru wantaim Bikpela i luksave long nid bilong tokaut long em olsem dispela tupela disaipel long Emmaus.

I go long ol pipel

Ol lain bai i kisim gutpela samting long wok bilong autim Gutnius em ol pipel. Dispela wok i no pinis yet na ‘wok misin bilong Krai i stap yet’ (*Redemptoris Missio, I*). Yumi i noken stap tasol na tingting olsem bihain long tu tausen yia nau na i gat sampela pipel ino save yet long Krai na save long ol toktok bilong em.

save long mining bilong misa, ol dokumen olsem: *General Instruction bilong Roman Missal* (GIRM – 2000), *Ecclesia de Eucharistia* (John Paul II, 17th April 2003), *Redemptionis Sacramentum* (Congregation bilong Divine Worship, 25th March 2004), *Mane nobiscum Domine* (John Paul II, 7th October 2004), *Pastoral Guideline bilong Selebretim Misa* (Katolik Bishop Konferens, 22nd April, 2005), *Sacramentum Caritatis* (Benedict XVI, 22nd February 2007), na *Verbum Domini* (Benedict XVI, 30th Septemba 2010).

Olgeta ol pater, ol seminarian, ol katikist, na ol husat i wok long kisim sampela ministri insait long Sios, ol i mas save long ol dispela ol dokumen wantaim tu *Part II bilong “Pastoral Directive bilong ol Pater, Consecrated Man na Meri na ol Lay bilipmanmeri bilong Archdiocese bilong Rabaul”* (page 17 - 28), bai ol i ken putim gut ol skul bilong ol long prektis bilong kamapim bung wantaim insait long selebretim bilong Ekaristia.

Ol i ken raitim planti gutpela samting we i toktok long Ekaristia. Tasol insait long dispela pastoral leta mi laik toktok long sampela samting we yumi mas mekim o yumi i noken mekim long Santu Ekaristia, i pas wantaim ol tingting ol dispela dokumen i toktok long en.

Pastaim tru, Blessed John Paul II i mekim tingim yumi gen olsem, “Literji ino wanpela samting bilong wanwan, olsem bilong pater husat i misa o bilong komuniti i selebretim dispela misteri ... na i nogat wanpela i kisim tok orait long daunim dispela misteri God i putim long han bilong yumi: em i bikpela samting tumas na ino inap wanpela i ken pilim olsem em i fri long tritim olsem wanpela samting nating tasol na ino respektim sacredness na universality bilong en” (*Ecclesia de Eucharistia, 52*).

Benedik XVI, i bin rait olsem: “namba wan rot long kamapim wokbung wantaim namel long ol pipel bilong God insait long dispela santu rite bai i kamap taim yumi lukim i gat gutpela selebretim i bihainim gut tru dispela rite ... Strepela “we na pasin bilong selebremen” em i kamap sapos yumi i behainim gut tru ol lo bilong literji. Na inap olsem tu tausen yia nau dispela kain pasin bilong selebretim misa i strongim yet bilip bilong ol bilip manmeri.” (*Sacramentum Caritatis, 38*).

Las long en, Pope Benedik XVI i mekim tingim ol Bishop long “ol i mas lukim na skelim gut tru olsem ol pater, ol diken na ol lei Kristian i holimpas mining tru bilong dispela rite wantaim ol toktok na skul literji i kamap wantaim, we i kamapim tru gutpela selebremen insait long selebremen bilong Ekaristia”.

Na em i tok gen olsem: “Mi laik askim yupela long lukim olsem taim ol Bisop i selebretim misa long Cathedral bilong ol i mas mekim wantaim bikpela respekt bai ol i kamap olsem piksa long ol narapela long bihainim insait long daiosis” (*Sacramentum caritatis*, 39).

Insait long ol peris na ol komuniti mi bin visitim pinis, mi lukim na amamas olsem long literji, moa yet long en, em Santu Misa, i kamap gut na ol pipel i bung wantaim na lotu. Mi lukim olsem ino gat sampela kain pasin we i ken kamapim bikpela bagarap na igo egensim literji na ol sakramen, moa long en em Santu Yukaris. Long dispela, mi laik tenkim olgeta pater na ol lain, olsem ol religis sista na ol katiket husat i helpim gut tru ol pater.

Ol dokumen we mi bin tokaut long ol pastaim pinis, ol i tok long yumi long selebretim Yukaris long wan kain pasin olsem Krai i bin kirapim. Ol i laikim yumi long selebret wantaim mining tru, na bai i ken oltaim kirapim bel na tingting bilong planti pipel.

Sampela pipel i bilip olsem sampela manmeri i no save go long misa bikos ol i painim olsem misa i boring. Yumi mas askim yumi yet olsem: Misa i boring o pasin yumi bihainim long selebretim Misa i mekim yumi i boring na i no kirapim bel na ting ting bilong yumi? Sapos selebresen i boring na ino kirapim bel na tingting, yumi (ol pater, religis, na ol lay bilipmanmeri) i mas sutim pinga long yumi yet. Yumi bin traim tu long skulim gut ol pipel long mining bilong Misa? Yumi save makim gut ol singsing we i gutpela na i stret na i bihainim gut tru ol hap bilong misa na olgeta i save long en na ol i singsing wantaim? Yumi save makim ol gutpela rida na trenim ol gut tu? Yumi save redim ol tok skul bilong yumi gut tu? Long ol lain i gat wok long mekim long taim bilong selebresen olsem ol lain i lukautim ofa, ol lain i save klinim na bilasim haus lotu, ol lain i mekim prosedio (dancers) i save gut long wok bilong ol tu?

C. Sampela Bikpela Tingting.

1. Yukaris em i “bun tru bilong wok pris”

Planti long ol pater bilong Arcaiosis bilong Rabaul i wok long mekim planti kain kain pastoral wok we i askim planti samting long sait bilong ol olsem, long lusim planti strong, na long ting ting na save na long sait bilong spirit tu. Dispela i ken mekim na yupela i ken lusim as tingting tru bilong wok bilong yupela. Olsem na ol pater olgeta taim i mas selebretim Yukaris olgeta de. “taim ol i mekim olsem, bai ol pater i ken abrusim kain kain traim bilong wanwan de we i ken

E. Las tok bilong pinis

Dia ol brata susa long nem bilong Krai, insait long Ensiklical leta bilong em “*Ecclesia de Eucharistia*”, Blessed John Paul II i laik mekim tingim yumi gen, olsem i nogat wanpela gutpela rot bilong kamapim Kristen komuniti na long stap tru wantaim Krai i wankain olsem long Santu Yukaris. Yukaris i bun tru bilong Sios.

Taim ol Katolik i bung wantaim na selebretim Yukaris, ol i soim olsem ol i bilong Krai na ol i laik bihainim oltaim Krai na Sios bilong em. Ol i witnesim dispela long bung wantaim bilong ol long bilip na wok marimari. Ol i luksave long God i Santu tru na ol i hop bai ol i ken painim amamas bilong oltaim. Na ol i save strongim wanpela narapela wantaim long helpim bilong Holi Spirit (*CCC*. 2182).

I tru, olsem sampela bilipmanmeri i no save go gut tumas long ol Sande misa, na long ol bikpela pestode bilong Sios; olsem Ista, Pentekos na Kristmas, bikos ol i stap long we long hap pater i stap long en o bikos i no gat pater i stap.

Wanpela bikpela miting bilong ol Bisop bilong toktok long Yukaris, i tok olsem, olgeta bilipmanmeri i mas go long lotu long wanpela haus lotu long daiosis bilong em yet maski em i mas sakrifaisim em yet long mekim”, (*Sacramentum Caritatis* 75). Dispela i luk isi liklik long daiosis bilong yumi tasol mi save i gat sampela Katolik bilipmanmeri yet long ol Sande na long ol narapela de tu, ol i save wokabaut longpela hap tru long go long selebretim Yukaris. Ol dispela lain i mas givim yumi gutpela skul long mekim wankain olsem ol.

Tasol, “maski i hat tru long ol dispela hap we rot i longpela tumas na i hat long ol i selebretim Yukaris long Sande, dispela Kristen komuniti i mas bung wantaim yet bilong litimapim nem bilong bikpela long dispela de bilong em” (*Sacramentum Caritatis* 75).

Dia ol Katolik bilipmanmeri, long dispela taim yumi i wok long redi nau long go insait long ol niupela senis bilong Roman Rite, yumi mas traim long mekim misa i kamap olsem naispela hap bilong bungim Jisas husat i givim em yet long yumi. Yumi noken surik long bekim singaut bilong em taim em i invaitim yumi “I go long kaikai bilong em” (*Rev* 19:9).

Yumi i putim nau i go long han bilong Jisas husat i stap long blessed Sakramen, wantaim long pre bilong Santu Maria, bai ol famili bilong yumi i ken kamap

8. *Ol buk bilong literji, ol vessel na ol klos bilong misa*

Taim mi mekim ol visit bilong mi i go raun long daiosis mi bin lukim i gat ol liklik gutpela ol haus lotu na ol haus bilong pre. Long sampela ples ol haus lotu i nidim repair tru. Na i gat sampela Komuniti tu i nogat haus lotu na ol bilip manmeri i save bung tasol long wanpela haus o sampela taim long aninit long diwai.

Yumi gat nid long helt na education i stap, tasol yumi mas wokim tu wanpela gutpela haus lotu bilong God tu. “Olsem dispela meri i welim lek bilong Jisas long Bethany, yumi tu i noken poret long usim ol resources bilong yumi long samting i mekim yumi i givim ona na biknem long God taim yumi selebretim Yukaris” (Ecclesia de Eucharistia No.48).

Dispela ona na biknem yumi givim long God ino pas wantaim haus lotu tasol, i pas tu wantaim ol vesel na ol klos bilong misa na ol buk bilong literji. Yumi i noken poret long kisim moni bilong ofa na baim ol dispela samting we i ken helpim yumi long selebretim gut Yukaris.

9. *Ol eksen bilong yumi long taim bilong lotu (sanap, sindaun, nildaun)*

Yumi bai lukim olsem ol manmeri i participate wantaim taim tingting bilong ol i piksaim stret wonem samting ol i harim, na mekim, na tok long en insait long literji. Na dispela i soim ples klia long hau ol i sanap, sindaun na nildaun.

Yumi bai sanap long taim bilong prosesio long stat inap long pre bilong bigin; na long taim yumi welkamim Gutnius na long taim ol i ridim Gutnius; taim yumi kolim tok bilip na long pre bilong ol bilipmanmeri. Yumi sanap tu long taim bai ol i insensim yumi na long taim pris i invaitim yumi long pre taim em i tok: “yupela pre ol brata susa...”, inap long taim bilong Holi,Holi, bai ol i ken singim o kolim tasol. Yumi bai sanap gen long taim bilong papa bilong mipela inap long lem bilong God, ol i ken singim o kolim. Na yumi bai i sanap gen long pre bihain long komunio inap long taim pris i salim yumi i go.

Yumi bai i sindaun long stat bilong ol rit inap long taim yumi laik welkamim Gutnius. Yumi sindaun tu long taim bilong tok skul na long taim bilong ofa. Yumi ken sindaun tu long taim bilong komunio.

Yumi bai nildaun bihain long Holi, Holi, inap long bikpela pre Amen. Sapos yumi gat risen long yumi no inap nildaun orait yumi mas daunim het taim pris i nildaun long taim bilong konsekrasio. Na yumi i nildaun gen long taim bilong lem.

mekim ol i save lusim as tingting bilong wok pris na ol i ken painim gen taim ol i selebretim Yukaris - em i bun tru bilong laip bilong ol na long ministri bilong ol – em i dispela strong bilong strongim spirit bilong ol long wan wan de bai i kamap Yukaris tru”. (Ecclesia de Eucharistia No. 31).

2. *Rait bilong ol Kristen pipel long Yukaris.*

Redemptionis Sacramentum, i tok strong tru olsem em i rait bilong ol Kristen pipel bai ol i mas gat selebresen bilong Yukaris long ol Sande, na long ol holide, na ol bikpela pestode i save kamap na sapos inap long wanwan de tu” (162). Em i wok bilong ol bishop na ol pater long inapim dispela lukluk bilong ol bilip manmeri olsem ol i mas go long misa long ol Sande” (163). Tasol yumi save tu olsem dispela i no inap kamap wankain long olgeta hap insait long Archdaiosis. Olsem tasol rait bilong ol pipel i stap yet olsem na wok bilong Bishop na ol pater i stap wankain yet olsem. Mi laik strongim gen ol pater bilong yumi long noken abrusim wanpela taim bilong selebretim Yukaris na i mas kamap planti taim namel tu long ol de bilong wik taim pater i save go long mekim patrol.

D. **Sampela ol samting yumi mas lukluk long en na mekim insait long Archdiosis long taim yumi selebretim Misa**

1. *Song bilong bekim*

Song bilong bekim “i save kamap bihain long nambawan rit na em i wanpela bikpela hap insait long liturji bilong Tok bilong God” (Guidelines No. 78). Em i no hap bilong liturji sapos yumi kirapim namba tu song bilong bekim (olsem wanpela singsing) behain long namba tu rit. Sapos yumi laik singim song bilong bekim, yumi ken mekim bihainim stret lukluk bilong en. Ol hap tok i go pas em ol hap tok bilong bekim, we man o meri i rit i save ridim ol ves na olgeta manmeri i save kolim dispela hap bekim. Sampela taim yumi ken lusim hap tok bilong bekim na yumi olgeta i ken singim dispel song bilong bekim i go inap long pinis bilong en. i noken gat narapela singsing long kisim ples bilong ol song bilong bekim”(Guidelines, No. 79).

Benedik XVI i tokim yumi gen olsem “song bilong bekim em tu i Tok bilong God olsem na ino inap yumi senisim wantaim sampela kain bekim o toktok bilong yumi yet, tasol i gutpela tru sapos yumi ken singim” (*Verbum Domini*, 69).

2. *Prosesio long buk bilong Gutnius*

“*Pastoral Guideline bilong Selebretim Misa*”, ol Katolik Bishops’ Konferens long 22nd April 2005 i bin givim i tok: “Buk bilong Gutnius tasol em bai yumi karim long taim bilong prosesio. Ol buk bilong ol rit o baibel em yumi noken karim long taim bilong prosesio. Buk bilong ol rit i mas stap long hap bilong rit long taim bilong Misa” (No. 60).

Long dispela wankain lukluk Benedik XVI em i rait olsem: “Longtaim bilong autim Tok bilong God na long Gutnius bilong em, yumi mas autim wantaim bikpela ruru, long ol taim bilong ol bikpela pestode, taim wanpela diken o pater i karim long taim bilong prosesio long stat bilong misa na bihain wanpela diken o pater i karim gen i go long hap bilong rit bai em i ken autim Gutnius long ol pipel. Dispela bai i helpim ol pipel long lukim olsem, autim Gutnius em i nam-bawan tru long literji bilong Tok bilong God” (*Verbum Domini*, 67).

3. *Ol lain bilong danis*

“*Pastoral Guideline bilong Selebretim Misa*” i tok olsem: “long planti kalsa bilong Papua New Guinea na Solomon Ailan, ol i save putim ol bilas na danis taim i gat wanpela spesel selebresen i kamap. Olsem na insait long Misa ol dispela danis i ken autim tru mining bilong amamas na dispela bung wantaim bilong ol pipel. Dispela ol danis i save luk gut tru long taim bilong ol prosesio insait long Misa: ol dispela danis i go wantaim ol dispela ol prosesio tasol: prosesio long statim misa, prosesio bilong ofa, na long pinis bilong misa”, long guideline i tok klia olsem i gat 3-pela prosesio tasol. Long stat bilong misa, long taim bilong ofa na long pinis bilong Misa.

4. *Mak bilong bel isi*

Diken o pris i save tokaut long taim bilong soim bel isi bilong Krai long ol narapela na em bai i mekim tok olsem: “Bel isi bilong bikpela i stap wantaim yupela”, na ol pipel bai i bekim olsem: “na wantaim spirit bilong yu”. Taim yumi soim bel isi long wanpela narapela i soim olsem yumi serim dispela bel isi we Krai i givim yumi na yumi kisim nau long ol narapela brata susa bilong yumi. Pastoral guideline i tokim yumi olsem: “olgeta memba i bung long haus lotu, ol minista na ol pipel, i mas tanim long ol i stap klostu long ol na serim bel isi bilong Krai... dispela mak bilong bel isi i klia tasol i no nidim singsing (119).

5. *Silens (Sarap)*

“Dispela i mas kamap tede olsem ol pipel bilong God i mas kisim save long gut-

pela bilong silens ... Ol pasta i mas kirapim sampela taim bilong stap isi na tingting, na wantaim helpim bilong Holi Spirit, hat bilong yumi i ken welkamim gut tru tok bilong God” (*Verbum Domini*,66). “Longpela bilong silens i mas go wantaim women kain ol lain i stap long Misa. Bai i no wan kain olsem ol bikmanmeri sapos i gat planti ol pikinini i kam long misa. Tasol i mas gat silens bikos bai wanwan i mas harim na kisim tok bilong God long hat bilong em na bihainim tru na bekim long pre bilong em (*Ordo Lectionum Missae*, 28).

Em hia ol taim we silens i mas stap: **long taim bilong sori long ol sin bilong yumi**, dispela taim em yumi stap isi na tingim bek gen ol sin bilong yumi na yumi tingting long marimari na laikim bilong God i kam long Krai. **Long pre bilong statim misa**, dispela taim we yumi bringim ol nid na laikim bilong yumi i go long God. **Bihain long ol rit na tok skul**, dispela taim yumi kisim tok bilong God, na yumi tingting long en insait long hat bilong yumi olsem Maria na bihainim long laip bilong yumi. **Bipo long komunio**, dispela taim yumi redim yumi long kisim bikpela, **na bihain long komunio**, dispela taim yumi bai litimapim em na tenkim em long silen pre.

Yumi noken singsing o kirapim wanpela singsing long taim pater i litimapim hostia na kalis long taim bilong konsekrasio.

6. *Ol Kundar*

Redemptionis Sacramentum, i askim yumi long kirapim na strongim ol mangi long kamap ol kundar long ol hap we wok kundar i slek na i tok tu olsem ol meri tu i ken kamap kundar long taim bilong misa tasol i mas i gat tok orait i kam pastaim long Bishop bilong diosis (47). Long sampela hap bilong diosis bilong yumi ol **meri i save kamap kundar na mi laik larim olsem bai dispela i ken go het** na tu long statim long ol peris we dispela i no kamap yet bai ol meri tu i ken kamap ol kundar long taim bilong misa.

7. *Choir grup wantaim ol narapela grup i save go pas long literji*

Long ol peris bilong yumi na hia long Cathedral tu, ol i save askim ol grup long go pas long literji long ol Sande. Dispela i min olsem ol grup i go pas i save helpim ol pipel long mekim gutpela selebresen. Planti taim grup i go pas i save singim ol singsing tasol we ol tasol i save long en na ol narapela manmeri i stap tasol na harim. Olgeta lain i bung long misa i mas singsing wantaim na bekim ol pre wantaim na ino sampela tasol.